



ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

04.08.2017թ.

Ո Ր Ո Շ ՈՒ Մ

ՀՀ գնումների բողոքարկման խորհրդի

թիվ ՍՑ-ԱՄ-2017/31

ՀՀ գնումների բողոքարկման խորհուրդը (այսուհետ նաև՝ Խորհուրդ) ուսումնասիրելով ՀՀ ֆինանսների նախարարության 17.07.2017թ. թիվ 03/27-1/13067-17 գրությամբ «Էդմոն և Էդվարդ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված պաշտոնական ընթացակարգով ներկայացված հիմքերը, պարզեց հետևյալը.

1. ՀՀ ֆինանսների նախարարության ներկայացրած փաստերը և պահանջը

ՀՀ ֆինանսների նախարարությունը, Երևանի քաղաքապետարանի 10.07.2017թ. թիվ 01/61-13273 գրության հիման վրա, 17.07.2017թ. թիվ 03/27-1/13067-17 գրությամբ Խորհրդում նախաձեռնել է «Էդմոն և Էդվարդ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում (այսուհետ՝ Ցուցակ) ներառելու պաշտոնական ընթացակարգ:

2. «Էդմոն և Էդվարդ» ՍՊԸ-ի ներկայացրած փաստարկները և դիրքորոշումը

ՀՀ գնումների բողոքարկման խորհուրդը 20.07.2017թ. թիվ ԳԲԽ-ՄԱ/1/13255-17 գրությամբ դիմել է «Էդմոն և Էդվարդ» ՍՊԸ-ին և վերջինիս տեղեկացրել է, որ ՀՀ ֆինանսների նախարարությունը, Երևանի քաղաքապետարանի 10.07.2017թ. թիվ 01/61-13273 գրության հիման վրա, 17.07.2017թ. թիվ 03/27-1/13067-17 գրությամբ խորհրդում նախաձեռնել է «Էդմոն և Էդվարդ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ և խնդրել է ներկայացնել գրավոր կարծիք, սակայն «Էդմոն և Էդվարդ» ՍՊԸ-ն խորհրդին չի ներկայացրել իր դիրքորոշումը:

Ընկերությունը, պատշաճ ծանուցված լինելով խորհրդի 25.07.2017թ. ժամը 11:30-ի նիստի վերաբերյալ, տնօրենը ապահովել իր մասնակցությունը, ով հայտնել է, որ Երևանի քաղաքապետարանի և «Էդմոն և Էդվարդ» ՍՊԸ-ի միջև 09.03.2017թ. կնքվել է «ԵԲ-ԲԸԱՇՁԲ-17/30-7» ծածկագրով կապալային աշխատանքների գնման պայմանագիր, համաձայն որի «Էդմոն և Էդվարդ» ՍՊԸ-ն պարտավորվել է կատարել Երևանի Շենգավիթ վարչական շրջանի բազմաբնակարան շենքերի մուտքերի վերանորոգման աշխատանքներ: Ընկերության կողմից սույն թվականի մայիսի 4-ին Պատվիրատուին է ներկայացվել 15 հատ մուտքերի վերանորոգման աշխատանքների կատարողական ակտ, որը ստորագրվել է տեխ. հսկիչի և Շենգավիթի կոմունալ բաժնի պետի կողմից, իսկ թաղապետը չի ստորագրել, պատճառաբանելով, որ կատարված աշխատանքներում առկա են թերություններ: Ընկերությունը հնարավորություն չի ունեցել շարունակելու աշխատանքները և վերացնելու առկա թերությունները, քանի որ ակտը չի ստորագրվել և Ընկերությունը չի վճարվել կատարված աշխատանքների դիմաց:

3. Երևանի քաղաքապետարանի կողմից ներկայացրած փաստարկները և դիրքորոշումը

Երևանի քաղաքապետարանը (այսուհետ նաև՝ Պատվիրատու) 10.07.2017թ. թիվ 01/61-13273 գրությամբ հայտնել է, որ Երևանի քաղաքապետարանի և «Էդմոն և Էդվարդ» ՍՊԸ-ի միջև 09.03.2017թ. կնքված «ԵՔ-ԲԸԱՇՁԲ-17/30-7» ծածկագրով կապալային աշխատանքների գնման պայմանագրի 1.1. կետի համաձայն՝ Կապալառուն պարտավորվում է սույն պայմանագրով սահմանված կարգով, նախատեսված ծավալներով, ձևով և ժամկետներում կատարել սույն պայմանագրի N 1 Հավելվածով սահմանված ծավալաթերթ-նախահաշվով նախատեսված Երևանի Շենգավիթ վարչական շրջանի բազմաբնակարան շենքերի մուտքերի վերանորոգման աշխատանքները (այսուհետ՝ Աշխատանք), իսկ Պատվիրատուն պարտավորվում է ընդունել կատարված աշխատանքը և վարձատրել դրա համար:

Պայմանագրի 1.2 կետի համաձայն՝ «Սույն պայմանագրով նախատեսված աշխատանքները կատարվում են ՀՀ օրենսդրությամբ սահմանված ստանդարտներին, շինարարական նորմերին և կանոններին, Աշխատանքի տեխ. բնութագրին, ինչպես նաև սույն պայմանագրի անբաժանելի մասը կազմող աշխատանքի ծավալաթերթ-նախահաշվին համապատասխան»:

Պայմանագրի 1.3 կետի համաձայն՝ «Սույն պայմանագրով նախատեսված աշխատանքների սկիզբ է համարվում Պայմանագիրը ուժի մեջ մտնելու օրը, իսկ աշխատանքների 25%-ի կատարման ժամկետ է սահմանվում պայմանագիրը ուժի մեջ մտնելուց հետո 45-րդ օրացուցային օրը, ևս 25%-ի կատարման ժամկետ է սահմանվում պայմանագիրը ուժի մեջ մտնելուց հետո 75-րդ օրացուցային օրը և ևս 25%-ի կատարման ժամկետ է սահմանվում պայմանագիրը ուժի մեջ մտնելուց հետո 105-րդ օրացուցային օրը, իսկ մնացած 25%-ի կատարման նախընտրելի ժամկետ է սահմանվում՝ մինչև 2017թ. սեպտեմբերի 30-ը ներառյալ:

Սույն պայմանագրով նախատեսված առանձին տեսակի աշխատանքների, փուլերի և ծավալների կատարման ժամկետները որոշվում են կողմերի կողմից համաձայնեցված օրացուցային գրաֆիկով (Հավելված N 2):

«Էդմոն և Էդվարդ» ՍՊԸ-ն խախտել է Պայմանագրի 1.2 և 1.3 կետերի պահանջները, որը վերջինիս կողմից ընդունվել է Երևան քաղաքի Շենգավիթ վարչական շրջանի ղեկավարին 28.06.2017թ. հասցեագրված համապատասխան գրությամբ:

Վերը նշված գրությամբ Ընկերությունը փաստացի հրաժարվել է պայմանագրային պարտավորությունները կատարելուց՝ պատճառաբանելով, որ չունի համապատասխան միջոցներ և հնարավորություն աշխատանքները շարունակելու և վերացնելու առկա թերությունները:

«Քաղաքացիական օրենսգրքի 408-րդ հոդվածի համաձայն՝ «Պարտավորության խախտում է համարվում այն չկատարելը կամ անպատշաճ (կետանցով, ապրանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը»:

«Քաղաքացիական օրենսգրքի 345-րդ հոդվածի 1-ին մասի համաձայն՝ պարտավորության ուժով մի անձը (պարտապանը) պարտավոր է մեկ այլ անձի (պարտատիրոջ) օգտին կատարել որոշակի գործողություն. այն է՝ վճարել դրամ, հանձնել գույք, կատարել աշխատանք, մատուցել ծառայություն և այլն, կամ ձեռնպահ մնալ որոշակի գործողություն կատարելուց, իսկ պարտատերն իրավունք ունի պարտապանից պահանջել կատարելու իր պարտականությունը:

«Քաղաքացիական օրենսգրքի 347-րդ հոդվածի համաձայն՝ պարտավորությունները պետք է կատարվեն պատշաճ՝ պարտավորության պայմաններին, օրենքին և այլ իրավական ակտերի պահանջներին համապատասխան, իսկ նման պայմանների ու պահանջների բացակայության դեպքում՝ գործարար շրջանառության սովորույթներին կամ սովորաբար ներկայացվող այլ պահանջներին համապատասխան:

Պայմանագրի 3.1.4 կետի համաձայն՝ պատվիրատուն իրավունք ունի միակողմանի լուծել սույն պայմանգիրը և պահանջել հատուցելու իրեն պատճառված վնասները, եթե.

բ) Կապալառուն խախտել է սույն պայմանագրի 1.3 կետում նախատեսված ժամկետը (ներառյալ օրացուցային գրաֆիկը)

գ) Կապալառուի կողմից կատարված Աշխատանքը չի համապատասխանում տեխ. բնութագրին և նախահաշվային փաստաթղթերով սահմանված պահանջներին:

ՀՀ քաղաքացիական օրենսգրքի 469-րդ հոդվածի 5-րդ մասի համաձայն՝ եթե պայմանագրի փոփոխման կամ լուծման համար հիմք է ծառայել կողմերից մեկի թույլ տված պայմանագրի էական խախտումը, մյուս կողմն իրավունք ունի պահանջել հատուցելու պայմանագրի փոփոխմամբ կամ լուծմամբ պատճառված վնասները:

ՀՀ քաղաքացիական օրենսգրքի 466-րդ հոդվածի 3-րդ մասի համաձայն՝ պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված:

Երևանի քաղաքապետարանը ղեկավարվելով վերը նշված իրավական հիմքերով, միակողմանի հրաժարվում է Ընկերության հետ կնքված Պայմանագրից՝ համապատասխանաբար համարելով այն լուծված:

Վերոգրյալով պայմանավորված՝ Երևանի քաղաքապետարանը առաջարկել է Կատարողին Պայմանագիրը միակողմանի լուծելու վերաբերյալ գրությունը, որը նաև հրապարակվել է www.gnumner.am ինտերնետային կայքում, ստանալու օրվա դրությամբ վճարել Պայմանագրի 6.3 կետով հաշվարկված տուգանքը՝ 104 775 ՀՀ դրամի չափով:

Պատվիրատուն, պատշաճ ծանուցված լինելով Խորհրդի 25.07.2017թ. ժամը 11:30-ի նիստի վերաբերյալ, ապահովել իր ներկայացուցչի մասնակցությունը, ով հայտնել է 10.07.2017թ. թիվ 01/61-13273 գրությամբ ներկայացրած դիրքորոշումը:

4. ՍՑ-ԱՄ-2017/31 պաշտոնական ընթացակարգի քննության համար էական նշանակություն ունեցող փաստերը

ՍՑ-ԱՄ-2017/31 պաշտոնական ընթացակարգի քննության համար էական նշանակություն ունեն հետևյալ փաստերը՝

1. Երևանի քաղաքապետարանի և «Էդմոն և Էդվարդ» ՍՊԸ-ի միջև 09.03.2017թ. կնքվել է «ԵՔ-ԲԸԱՇՁԲ-17/30-7» ծածկագրով կապալային աշխատանքների գնման պայմանագիր:

2. Պայմանագրի 1-ին կետի 1.1 ենթակետի համաձայն՝ Կապալառուն (տվյալ դեպքում՝ «Էդմոն և Էդվարդ» ՍՊԸ-ն) պարտավորվում է սույն պայմանագրով սահմանված կարգով, նախատեսված ծավալներով, ձևերով և ժամկետներում կատարել սույն պայմանագրի N 1 Հավելվածով սահմանված ծավալաթերթ-նախահաշվով նախատեսված Երևանի Շենգավիթ վարչական շրջանի բազմաբնակարան շենքերի մուտքերի վերանորոգման աշխատանքները (այսուհետ՝ Աշխատանք), իսկ Պատվիրատուն պարտավորվում է ընդունել կատարած աշխատանքը և վարձատրել դրա համար:

3. Պայմանագրի 1.2 կետի համաձայն՝ «Սույն պայմանագրով նախատեսված աշխատանքները կատարվում են ՀՀ օրենսդրությամբ սահմանված ստանդարտներին, շինարարական նորմերին և կանոններին, Աշխատանքի տեխ. բնութագրին, ինչպես նաև սույն պայմանագրի անբաժանելի մասը կազմող աշխատանքի ծավալաթերթ-նախահաշվին համապատասխան»:

4. Պայմանագրի 1-ին կետի 1.3 ենթակետի համաձայն՝ Պայմանագրով նախատեսված աշխատանքների սկիզբ է համարվում Պայմանագիրը ուժի մեջ մտնելու օրը, իսկ աշխատանքների 25%-ի կատարման ժամկետ է սահմանվում պայմանագիրը ուժի մեջ մտնելուց հետո 45-րդ օրացուցային օրը, ևս 25%-ի կատարման ժամկետ է սահմանվում պայմանագիրը ուժի մեջ մտնելուց հետո 75-րդ օրացուցային օրը և ևս 25%-ի կատարման ժամկետ է սահմանվում պայմանագիրը ուժի մեջ մտնելուց հետո 105-րդ օրացուցային օրը, իսկ մնացած 25%-ի կատարման նախընտրելի ժամկետ է սահմանվում՝ մինչև 2017թ. սեպտեմբերի 30-ը ներառյալ:

Սույն պայմանագրով նախատեսված առանձին տեսակի աշխատանքների, փուլերի և ծավալների կատարման ժամկետները որոշվում են կողմերի կողմից համաձայնեցված օրացուցային գրաֆիկով (Հավելված N 2):

5. Պայմանագրի 3-րդ կետի 3.1.3 ենթակետի համաձայն՝ Պատվիրատուն իրավունք ունի չընդունել Աշխատանքի արդյունքը՝ ՀՀ օրենսդրությամբ սահմանված դրույթներին, սույն պայմանագրի 1.2 կետով նախատեսված փաստաթղթերի պահանջներին չհամապատասխանելու դեպքում՝ իր հայեցողությամբ սահմանելով թերությունների անհատույց վերացման ողջամիտ ժամկետ և պահանջել Կապալառուից վճարելու սույն պայմանագրի 6.2 կետով նախատեսված տույժը, ինչպես նաև 6.3 կետով նախատեսված տուգանքը:

6. Պայմանագրի 3-րդ կետի 3.1.4 ենթակետը սահմանում է, որ Պատվիրատուն իրավունք ունի միակողմանի լուծել Պայմանագիրը և պահանջել հատուցելու իրեն պատճառված վնասները, եթե Կատարողն էականորեն խախտել է Պայմանագիրը:

Կատարողի կողմից պայմանագիրը խախտելն էական է համարվում, եթե՝

բ) ***Կապալառուն խախտել է սույն պայմանագրի 1.3 կետում նախատեսված ժամկետը (ներառյալ օրացուցային գրաֆիկը)***

գ) Կապալառուի կողմից կատարված Աշխատանքը չի համապատասխանում տեխ. բնութագրին և նախահաշվային փաստաթղթերով սահմանված պահանջներին:

դ) Կապալառուի կողմից խախտվել են սույն պայմանագրի 3.1.3 կետով նախատեսված հիմքերով Աշխատանքի թերությունների անհատույց վերացման ողջամիտ ժամկետները:

7. «Էդմոն և Էդվարդ» ՍՊԸ-ն 28.06.2017թ. Շենգավիթ վարչական շրջանի ղեկավարին ուղղված գրությամբ հայտնել է, որ «ԵԲ-ԲԸԱՇՁԲ-17/30-7» պայմանագրի համաձայն՝ վարչական շրջանի բազմաբնակարան շենքերում իրականացրել է մուտքերի վերանորոգման աշխատանքներ, մասնավորապես՝ 2017թ. ապրիլ-մայիս ամիսների ընթացքում վերանայվել է 15 հատ մուտք: Կատարողական ակտ ներկայացնելուց առաջ վարչական շրջանի կոմունալ բաժնի աշխատակիցների կողմից ցույց են տրվել թերությունները և դրանք վերացնելու համար տրվել է ժամանակ, այնուհետև՝ լրացուցիչ աշխատանքներ կատարելուց հետո, կրկին տրվել է ժամանակ

նոր թերությունները վերացնելու համար, սակայն «Էդմոն և Էդվարդ» ՍՊԸ-ն հնարավորություն չունի շարունակելու աշխատանքները և վերացնելու առկա թերությունները, քանի որ չունի համապատասխան միջոցներ:

8. Երևանի քաղաքապետարանը միակողմանի հրաժարվել է Ընկերության հետ կնքված Պայմանագրից՝ համապատասխանաբար համարելով այն լուծված:

5. Խորհրդի հիմնավորումները և եզրահանգումը

Խորհուրդն, ուսումնասիրելով ՀՀ ֆինանսների նախարարության 17.07.2017թ. թիվ 03/27-1/13067-17 գրությունը, Երևանի քաղաքապետարանի 10.07.2017թ. թիվ 01/61-13273 գրությունը՝ կից փաստաթղթերով, հայտնում է հետևյալը.

ՀՀ քաղաքացիական օրենսգրքի 345-րդ հոդվածի 1-ին մասի համաձայն՝ պարտավորության ուժով մի անձը (պարտապանը) պարտավոր է մեկ այլ անձի (պարտատիրոջ) օգտին կատարել որոշակի գործողություն. այն է՝ վճարել դրամ, հանձնել գույք, կատարել աշխատանք, մատուցել ծառայություն և այլն, կամ ձեռնպահ մնալ որոշակի գործողություն կատարելուց, իսկ պարտատերն իրավունք ունի պարտապանից պահանջել կատարելու իր պարտականությունը:

ՀՀ քաղաքացիական օրենսգրքի 408-րդ հոդվածի համաձայն՝ **«Պարտավորության խախտում է համարվում այն չկատարելը կամ անպատշաճ (կետանցով, ապրանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը»:**

«Գնումների մասին» ՀՀ օրենքի (այսուհետ նաև՝ Օրենք) 5-րդ հոդվածի 1-ին մասի 4-րդ «ա» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, **եթե հայտը ներկայացնելու պահին նախորդող տարվա ընթացքում ավելի քան մեկ անգամ խախտել է պայմանագրով նախատեսված** կամ գնման գործընթացի շրջանակում ստանձնած **պարտավորություն, որը հանգեցրել է պարզփրկարուի կողմից**

պայմանագրի միակողմանի լուծարմանը կամ գնման գործընթացին տվյալ մասնակցի հետագա մասնակցության դադարեցմանը:

Երևանի քաղաքապետարանի և «Էդմոն և Էդվարդ» ՍՊԸ-ի միջև 09.03.2017թ. կնքվել է «ԵՔ-ԲԸԱՇՁԲ-17/30-7» ծածկագրով կապալային աշխատանքների գնման պայմանագիր:

Պայմանագրի 1-ին կետի 1.1 ենթակետի համաձայն՝ Կապալառուն (տվյալ դեպքում՝ «Էդմոն և Էդվարդ» ՍՊԸ-ն) պարտավորվում է սույն պայմանագրով սահմանված կարգով, նախատեսված ծավալներով, ձևերով և ժամկետներում կատարել սույն պայմանագրի N 1 Հավելվածով սահմանված ծավալաթերթ-նախահաշվով նախատեսված Երևանի Շենգավիթ վարչական շրջանի բազմաբնակարան շենքերի մուտքերի վերանորոգման աշխատանքները (այսուհետ՝ Աշխատանք), իսկ Պատվիրատուն պարտավորվում է ընդունել կատարած աշխատանքը և վարձատրել դրա համար:

Պայմանագրի 1-ին կետի 1.3 ենթակետի համաձայն՝ Պայմանագրով նախատեսված աշխատանքների սկիզբ է համարվում Պայմանագիրը ուժի մեջ մտնելու օրը, իսկ աշխատանքների 25%-ի կատարման ժամկետ է սահմանվում պայմանագիրը ուժի մեջ մտնելուց հետո 45-րդ օրացուցային օրը, ևս 25%-ի կատարման ժամկետ է սահմանվում պայմանագիրը ուժի մեջ մտնելուց հետո 75-րդ օրացուցային օրը և ևս 25%-ի կատարման ժամկետ է սահմանվում պայմանագիրը ուժի մեջ մտնելուց հետո 105-րդ օրացուցային օրը, իսկ մնացած 25%-ի կատարման նախընտրելի ժամկետ է սահմանվում մինչև 2017թ. սեպտեմբերի 30-ը ձերառյալ:

Սույն պայմանագրով նախատեսված առանձին տեսակի աշխատանքների, փուլերի և ծավալների կատարման ժամկետները որոշվում են կողմերի կողմից համաձայնեցված օրացուցային գրաֆիկով (Հավելված N 2):

«Էդմոն և Էդվարդ» ՍՊԸ-ն 28.06.2017թ. Շենգավիթ վարչական շրջանի ղեկավարին ուղղված գրությամբ հայտնել է, որ «ԵՔ-ԲԸԱՇՁԲ-17/30-7» պայմանագրի համաձայն՝ վարչական շրջանի բազմաբնակարան շենքերում իրականացրել է մուտքերի վերանորոգման աշխատանքներ, մասնավորապես՝ 2017թ. ապրիլ-մայիս ամիսների ընթացքում վերանայվել է 15 հատ մուտք: Կատարողական ակտ

ներկայացնելուց առաջ վարչական շրջանի կոմունալ բաժնի աշխատակիցների կողմից ցույց են տրվել թերությունները և դրանք վերացնելու համար տրվել է ժամանակ, այնուհետև՝ լրացուցիչ աշխատանքներ կատարելուց հետո, կրկին տրվել է ժամանակ նոր թերությունները վերացնելու համար, սակայն «Էդմոն և Էդվարդ» ՍՊԸ-ն հնարավորություն չունի շարունակելու աշխատանքները և վերացնելու առկա թերությունները, քանի որ չունի համապատասխան միջոցներ:

Երևանի քաղաքապետարանը միակողմանի հրաժարվել է Ընկերության հետ կնքված Պայմանագրից՝ համապատասխանաբար համարելով այն լուծված:

Պայմանագրի 3-րդ կետի 3.1.4 ենթակետը սահմանում է, որ Պատվիրատուն իրավունք ունի միակողմանի լուծել Պայմանագիրը և պահանջել հատուցելու իրեն պատճառված վնասները, եթե Կատարողն էականորեն խախտել է Պայմանագիրը:

Կատարողի կողմից պայմանագիրը խախտելն էական է համարվում, եթե՝

բ) Կապալառուն խախտել է սույն պայմանագրի 1.3 կետում նախատեսված ժամկետը (ներառյալ օրացուցային գրաֆիկը)

գ) Կապալառուի կողմից կատարված Աշխատանքը չի համապատասխանում տեխ. բնութագրին և նախահաշվային փաստաթղթերով սահմանված պահանջներին:

դ) Կապալառուի կողմից խախտվել են սույն պայմանագրի 3.1.3 կետով նախատեսված հիմքերով Աշխատանքի թերությունների անհատույց վերացման ողջամիտ ժամկետները:

Այսպիսով, հաշվի առնելով վերոգրյալը, Խորհուրդը գտնում է, որ «Էդմոն և Էդվարդ» ՍՊԸ-ն թույլ է տվել Երևանի քաղաքապետարանի և «Էդմոն և Էդվարդ» ՍՊԸ-ի միջև կնքված «ԵՔ-ԲԸԱՇՁԲ-17/30-7» ծածկագրով կապալային աշխատանքների գնման պայմանագրով նախատեսված պարտավորության խախտում, որը հանգեցրել է Պատվիրատուի կողմից Պայմանագրի միակողմանի լուծմանը, քանի որ «Էդմոն և Էդվարդ» ՍՊԸ-ն 28.06.2017թ. Շենգավիթ վարչական շրջանի ղեկավարին ուղղված գրությամբ հրաժարվել է շարունակելու աշխատանքները և վերացնելու առկա թերությունները:

Միևնույն ժամանակ Օրենքի 5-րդ հոդվածի 1-ին մասի 4-րդ «ա» ենթակետի համաձայն՝ մասնակիցն ընդգրկվում է գնումների գործընթացին մասնակցելու

իրավունք չունեցող մասնակիցների ցուցակում, **եթե հայտը ներկայացնելու պահին նախորդող տարվա ընթացքում ավելի քան մեկ անգամ խախտել է պայմանագրով նախատեսված պարտավորություն, որը հանգեցրել է պարզիրարուի կողմից պայմանագրի միակողմանի լուծարմանը:**

Հաշվի առնելով այն հանգամանքը, որ «Էդմոն և Էդվարդ» ՍՊԸ-ի կողմից խախտվել է Պայմանագրով նախատեսված մեկ պարտավորություն, ուստի խորհուրդը գտնում է, որ թույլ տրված խախտումը դեռևս բավարար հիմք չէ Օրենքի 5-րդ հոդվածի 1-ին մասի 4-րդ կետի «ա» ենթակետով սահմանված կարգով Ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու համար:

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ հոդվածի 6-րդ մասի 7-րդ կետով՝ ՀՀ գնումների բողոքարկման խորհուրդը

Ո Ր Ո Շ Ե Ց

ՀՀ ֆինանսների նախարարության 17.07.2017թ. թիվ 03/27-1/13067-17 գրությամբ «Էդմոն և Էդվարդ» ՍՊԸ-ին (ՀՎՀՀ՝ 06942338) գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված պաշտոնական ընթացակարգը մերժել:

ՀՀ գնումների բողոքարկման խորհրդի որոշումն իրավապարտադիր է:

ՀՀ գնումների բողոքարկման խորհրդի որոշումը կարող է բողոքարկվել դատական կարգով:

ՀՀ գնումների բողոքարկման
խորհրդի անդամ՝



ՄՀԵՐ ԱՆԱՆՅԱՆ